

Styrktarsamningur

mennta- og menningarmálaráðuneytis

við Myndlistaskólanum í Reykjavík

Mennta- og menningarmálaráðuneyti hefur ákveðið að veita Myndlistaskólanum í Reykjavík styrk á grundvelli 42. gr. laga um opinber fjármál nr. 123/2015 og fjallar þessi samningur um þá styrkveitingu.

Mennta- og menningarmálaráðuneyti, kt. 460269-2969, er í samningi þessum nefnt ráðuneyti, Myndlistaskólinn í Reykjavík, kt. 460269-4079, er í samningi þessum nefndur MÍR.

1. Markmið og starfsemi

1.1. Meginmarkmið með samningi þessum eru að:

- Endurvekja nám fyrir nemendur með þroskahömlun sem lokið hafa starfsbrautum í framhaldsskóla.
- Tryggja framgang stefnu málefnsaviðs 22 – Önnur skólastig og stjórnsýsla mennta- og menningarmála í málaflokki 22.2 – Framhaldsfræðsla og menntun óflokkuð á skólastig. sbr. fjármálaáætlun 2020-2024.

1.2. Starfsemi

- Skólinn bjóði upp á eins árs myndlistarnám í alls 3 ár eða 6 annir frá haustönn 2019 til og með vorönn 2022.
- Námið er fyrir nemendur með þroskahömlun sem lokið hafa námi á starfsbraut í framhaldsskólum eða sambærilegu námi.
- Nemendafjöldi skal að lágmarki vera 6 á hverri önn.

2. Forsendur samnings og lagaheimildir

2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015.

2.2. MÍR starfar í samræmi við lög og reglugerðir sem eiga við umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem ekki eru ríkisaðilar en veita opinbera þjónustu sem er kostuð að verulegu eða öllu leyti af framlögum ríkisins. Eftirfarandi lög og reglugerðir kunna því að eiga við:

- Lög nr. 123/2015 um opinber fjármál.
- Reglugerð nr. 1061/2004 um framkvæmd fjárlaga.
- Lög nr. 120/2016 um opinber innkaup.
- Upplýsingalög nr. 140/2012.
- Stjórnsýslulög nr. 37/1993.
- Lög nr. 46/2016 um ríkisendurskoðanda og endurskoðun ríkisreikninga.
- Samkeppnislög nr. 44/2005.
- Lög nr. 77/2000 um persónuvernd og meðferð persónuupplýsinga.
- Lög nr. 77/2014 um opinber skjalasöfn.

3. Styrkveiting

3.1. Heildarstyrkveiting til verkefnisins er 30 m.kr. samtals á þremur árum. Framlag ríkisins vegna samningsins er 5 m.kr. fyrir hverja önn frá haustönn 2019 til vorannar 2022 að báðum önnum meðtoldum. Framlag fyrir árið 2019 er 5 m.kr., framlag fyrir árið 2020 er 10 m.kr., framlag fyrir árið 2021 er 10 m.kr. og framlag fyrir árið 2022 er 5 m.kr.

- 3.2. Framlag í samningi þessum kemur frá málaflokki 22.2 og fellur undir stefnu ráðherra á málefnasviði 22 – Ónnur skólastig og stjórnsýsla mennta- og menningarmála í málaflokki 22.2 – Framhaldsfræðsla og menntun óflokkuð á skólastig sbr. 20. gr. laga um opinber fjármál nr. 123/2015.
- 3.3. Séu gerðar almennar aðhaldskröfur af hálfu ríkisins til málefnasviðs 22 í málaflokki 22.2 er heimilt að gera sömu kröfur til aðhalds í rekstri verkefna sem falla undir málefnasvið 22 og málaflokk 22.2 hjá MÍR.
- 3.4. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
- 3.5. Styrkurinn er greiddur með eingreiðslu, 5. m.kr., fyrir hverja önn í einu, fyrir haustönn er greitt í 1. september og fyrir vorönn er greitt 2. janúar. Greitt er inn á bankareikning í viðskiptabanka MÍR.

4. Ábyrgð Myndlistaskólans í Reykjavík

- 4.1. MÍR ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. MÍR skal geta lagt fram gögn og skýrslur þessu til staðfestingar, sé eftir því leitað.
- 4.2. MÍR ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 4.3. MÍR er óheimilt að:
 - Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

5. Upplýsingar, samskipti og eftirlit vegna fjármála og verkefna

- 5.1. Ráðuneytið hefur eftirlit með framkvæmd samningsins.
- 5.2. MÍR skilar ráðuneytinu:
 - Starfsáætlun þar sem fram komi m.a. helstu starfsmarkmið sem unnið verður að, fyrir lok október ár hvert.
 - Endurskoðaðan ársreikning uppgjörsársins á undan (júlí-júní) með skýringum, fyrir lok október ár hvert.
- 5.3. Eigi MÍR í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.
- 5.4. Fyrir lok júní ár hvert skilar MÍR ráðuneytinu greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun sbr. gr. 5.2.
- 5.5. MÍR veitir ráðuneytinu upplýsingar sem það kallar eftirlits með framkvæmd samningsins eða vegna opinberrar upplýsingagjafar. Ráðuneytið hefur heimild til að gera sjálf eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.
- 5.6. Samning þennan, ársreikning MÍR, greinargerð um framkvæmd samnings og úttektarskýrslur skal birta á vef MÍR jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. MÍR setur á vefsíðu sína ýmis gögn sem eru efnislegar afurðir verkefnisins, svo sem skýrslur, leiðbeiningar og áætlunar.

6. Vanefndir og meðferð ágreinings


- 6.1. MÍR tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir skólinn frá úrræðum sem hann hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli MÍR ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. september 2019 til 30. júní 2022.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor samningsaðili sínu eintaki.

Reykjavík 31. desember 2019


f.h. mennta- og menningarmálaráðuneytis


f.h. Myndlistaskólans í Reykjavík
